



Inatsisartuni ilaasortaq  
Malik Berthelsen  
/Maani

## **Pineqartog: § 36, imm. 1 naapertorlugu apeqqummut nr. 2010-90-imut akissuteqaat**

Asasara Malik Berthelsen,

Apeqquiti pillugu qutsavigaakkit, taannalu imatut nipeqarpoq:

**Air Greenlandimut kiffartuussinermut isumaqatigiissummut aningaasaliissutaasartut 120,2 mio. koruunit sumorpiaq matussutissatut atorpeqartarpat?**

17. maj 2010  
Sagsnr. 2010-030647  
Dok. Nr. 371616

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl

**AKISSUT:** Aallarniutigalugu erseqqissarneqartariaqarpoq, niuerneramik tunngaveqarluni angallaviit aamma timmisartuussinerit kiffartuunneqarnissamik isumaqatigiissutinit matussuserneqartartut assigiinngitsuummata. Niuerneramik tunngaveqarluni angallaviit – taaguutaani tusaaneqarsinnaasutut – niuernerinnarmik tunngaveqarluni angallassiivupput, tassalu Air Greenlandip kisimiilluni angallavinnut tikittartut akuttussusissaat akillu aalajangersartarpari. Niuerneramik tunngaveqarluni angallaviit pingaartumik illoqarfiit aamma nunaqarfiit Imarpik qulaallugu timmisartunut mittarfillit marluk, tassalu Kangerlussuup Narsarsuullu akornanni timmisartuussinerupput. Angallaviit pissarsinerpaaffiusartut angallavinnut pissarsinikinnerpaaffiusunut matussusiisarnissaannut Air Greenlandip tunngvilersuutai taamaallaat niuerneramik tunngaveqarluni angallaviit iluanni atuuttussaapput.

Kiffartuunneqarnissamik isumaqatigiissutit taamaallaat angallavinnut amigartooruteqarfiusartunut atorpeqarput. Tapiissuteqartarnermi angallaviit Air Greenlandimut imminut akilersinnaasumik ingerlanneqarnissarpiaat siunertarineqarpoq, taamaattumillu aamma angallaviit angallavigineqartussaangikkaluartut timmisartuussivigineqartarput.

Aningaasanut inatsimmi kontomi pingaarnermi 73.01.08 *"Ilaasunik angallassinermut tapiissutit"* allassimavoq, Namminersorlutik Oqartussat ingerlatseqatigiiffinnut arlalinnut kiffartuunneqarnissamik isumaqatigiissuteqarsimasut: Air Greenlandimut nuna tamakkerlugu qulimiguulinnik timmisartunillu suluusalinnik timmisartuussineq pillugu, Air Icelandimut Tunumi timmisartut suluusalit atorlugit timmisartuussinerit pillugit, Disko Line-mut, aasaanerani Qeqertarsuup Tunuani imaatigut angallassisarneq pillugu, kiisalu Royal Arctic Bygdeservice-mut, Kalaallit Nunaata qeqqani ilaasunik angallassisarneq pillugu. Kiffartuunneqarnissamik isumaqatigiissutit saniatigut aamma konto aqutugalugu Sikunik Alapernaarsuiffimmut aningaasaliissutit akilerneqartarput. Taamaattumik konto 73.01.08 Air Greenlandimut kiffartuunneqarnissamik isumaqatigiissutaannarnut tunngasuunngilaq.

Kiffartuunneqarnissamik isumaqatigiissutini 2006-imi angallannerup ilusaa tunngavigineqarpoq, tassanilu marloriaammik tapiisarneq annikillisinniarlugu angallasseriaatsimut ataasiinnarmut tapeeriaaseq qitiutinneqarluni atorneqarpoq.

Namminersorlutik Oqartussat kiffartuunneqarnissamik isumaqatigiissutaanni pingaartumik illoqarfiit nunaqarfiillu akornanni, kiisalu illoqarfinnut niuerneramik tunngaveqarluni ingerlatsinissamik tunngavissaqarfiunngitsunut angallassineq matussuserneqartarpoq. Tassalu sumiiffiit angallavinnik pilersitsiviususaa ngikkaluartut, imaluunniit qaffasippallaamik akeqartitsiviususaa galuurtut imaluunniit akulikitsumik tikinneqartartusaa ngikkaluartut kiffartuunneqarnissamik isumaqatigiissuteqarfingeqarput. Piumasaqaatit uku neqeroorteqartitsinissamut najoqqutassani imm. 1.4.1-titut saqqummiunneqarsimasut taaneqarsinnaapput.

- *Siullermik assartuussinermut suliassaqarfiit tapiissutitaqanngitsumik assartuussinissamut periarfissaqarfiunngitsut tapiiffingeqartassapput. Suliassaq taanna pingaaruteqarnerpaajuvoq, taannami atorneqanngippat illoqarfiit nunaqarfiillu ilaat angallassinikkut sullinneqarsinnaassanngillat.*
- *Tulliullugit assartuussinermut suliassaqarfiit akit pissutaallutik innuttaasuni amerlasuut angallannissaannik mattussiviusut tapiiffingeqartassapput. Taanna suliassani pingaernerup tulleraa, taannami atorneqanngippat innuttaasut ilaat isertitatik pissutigalugit angalassinnaassanngillat.*
- *Kiisalu assartuussinermi suliassat, tikittartut akuersarneqarsinnaanngitsumik akuttunerat pissutigalugu tapiiffingeqartassapput. Taanna suliassani pingaannginnersaavoq, tikittartut akuttugaluurtut angalanissamut periarfissat mattunneqanngimmata, taamaallaalli piffissani aalajangersimasuni mattunneqartarlutik.*

Kiffartuunneqarnissamik isumaqatigiissutinut aningaasaliissutit imatut agguagaapput:

Air Greenland ukiumut 102,5 mio. koruuninik pissarsisarpoq. Taakku ukununga matussutissaapput: Upernaviup Qaanaallu akornanni timmisartut suluusallit atorlugit timmisartuussineq, Qaanaami, Upernavimmi, Uummannami, ukiuunerani Qeqertarsuup Tunuani, Kalaallit Nunaata kujataani, Tasiilami aamma Ittoqqortoormiini taakkulu eqqaanni qulimiguullit atorlugit timmisartuussineq, kiisalu Kangilinnguanut timmisartuussineq.

Air Iceland ukiumut 6,5 mio. koruuninik pissarsisarpoq, tassanilu Reykjavik-imut, Kulusummut aamma Nerlerit Inaannut timmisartuussisarnerit pineqarput.

Disko Line aasaanerani Qeqertarsuup Tunuani imaatigut angallassinermut 6,2 mio. koruuninik pissarsisarpoq.

Royal Arctic Bygdeservice Kalaallit Nunaata qeqqani ilaasunik angallassinermut 4 mio. koruuninik pissarsisarpoq.

Takku saniatigut Sikunik Alapernaarsuiffik sikunik alapernaarsuinnermut tapiissutinik ukiumut 1,0 mio. koruuninik pissarsisarpoq.

Sumiiffinni kiffartuunneqarnissamik isumaqatigiissuteqarfiusuni akit tikittartullu akulikissusiat Namminersorlutik Oqartussanit akuerineqartarput. Akit ukiumut ataasiarlutik atuisunut akigititaasut tunngavigalugit iluarsineqartarput. Tikittartut akulikissusiinik allannguinnermi Namminersorlutik Oqartussat ilisimatinneqartarput,

kisiannili ornigassami ataatsimi aallartut/tikittut minnerpaamik ataasiusarnissaat isumaqatigiissutinut ilaatinneqassaaq.

Naggasiutigalugu ilassutigineqassaaq, Assartuussineq pillugu Isumalioqatigiissitap inassuteqaatai tunngavigalugit kiffartuunneqarnissamik isumaqatigiissutinik neqerooruteqartitsinissamut najoqqutassanik nutaanik, 1. januar 2013-imi atulertussatut siunniunneqartunik suliaqartoqarnissaa naatsorsuutigineqarmat.

Inussiarnersumik inuulluaqqusilluta

Jens B. Frederiksen